

# DHL Express

POST Greenlandip Niuernermi piumasaqaatai 1. januar 2011-imeersut

Niuernermi piumasaqaatit uku Kalaallit Nunaannut imaluunniit Kalaallit Nunaanniit nunat allat sinnerinut aammalu POST Greenlandip agent-iuffigisaanut nassiussanut DHL Express-inut siunnersuutaapput.

POST Greenlandip DHL Express-it Kalaallit Nunaanniit Danmark minillugu nunat allat sinnerinut nassiussat tigusarpai, taavalu DHL Express-imut agent-itut Kalaallit Nunaannut nassiussanik tigusarluni. DHL Express-it Danmarkimi tigusisussanut nas-iunneqarsinnaanngillat, tassani Jetpost atorneqartassaaq.

DHL Ekspress allakkerinerup iluani nioqqutaanngilaq, taamaammat nassiussat DHL Express-it tamarmik malittarisassaqpuput DHL Express-imiit suliarineqarsimasunik. DHL-ip tamatumunnga Malitassiai nalinginnaasut innersuussissummi uaniipput:

[http://www.dhl.dk/content/dam/downloads/dk/express/general\\_terms\\_2010\\_dk.pdf](http://www.dhl.dk/content/dam/downloads/dk/express/general_terms_2010_dk.pdf)

## 1.1 Pingaarnersuineq

DHL Express-it Kalaallit Nunaanniit nunat allat sinnerinut ingerlasussat timmisartuk-

kut siullikkut salliutinneqarlutik ingerlanneqartarput.

DHL Express-it nunat allat sinneriniit Kalaallit Nunaannut ingerlasussat poortukkat timmisartukkoortussat assigalugit ingerlanneqartarput.

## 1.2 Imai

Poortukkap imaa akitsuusigassaanersooq kiisalu nunami tigusisussami malittarisassat malillugit Poortukkap imai nunamut nassitsivigisamat eqqunneqarsinnaasuunersut, taamaappallu malitassat suut tunngavigalugit tamatumu pisinnaanera misissussal-lugu nassiussisup akisussaaffigaa. POST Greenlandip pissutsit tamakku misissorneq ajorpai aammalu tamakku pillugit siunnersuisinnaanani, taarsiulluguli nassiussisumut innersuussutigisarlugu nunap nassitsivigisassap oqartussaasui, soorlu aallartitaqarfii konsulateqarfiiuunniit saaffigeqqullugit.

## Nassiussaq DHL Express makkuninnga imaqaqqusaanngilaq:

- Pigisat tigussaasut pigisallu nuussassat
- Pequtit ulorianartut inerteqqutaasulluunniit IATA-p (International Air Transport Association) malittarisassaani/ADR-ip isumaqatigiisutaani, ICAO-p (International Civil Aviation Organisation) malitassaanut ilanngussaasut, imaluunniit pisortat kattuffiulluunniit tamatumunnga attuumassuteqartup malittarisassiaaniittut, taak-kununga ilaallutik sakkut imassallu, peqquserlulluni allanngortitsinerit imaluunniit inerteqqutaasumik kopiiliornerit
- Uumasut, aalisakkat timmissallu uumasut, inuit toqungasut saanikui (aamma ikual-latat)
- Saffiugassat erlinnartut kipparisuliat
- Nioqqutissat akuerisaanngitsunik poortuusikkat ikiaroonartulluunniit
- Akitsuutit allagartaat akileraarnermulluunniit nipitittakkat.

Pequtit tuliuttut angallanneqarnissaminut tunniunneqassapput DHL-iminngaanniit allaganngorlugu akuersissummik pereersimagaanni, taamaaliortoqarsimanngippat angallanneqarsinnaanngitsut isigineqassammata:

- Sakkut atortuisa ilaat
- Sullerngit, puulinngortut, qullugissat
- Aningaasannukkut, aningaasat aggorsimasut, check-it, kreditkort-it imaqaanngitsut, nipilersortussanut pisussanullu allanut billetsit nioqqutissallu allat tuniuninartut
- Nappaatiniit misissugassat
- Ammit nagguaatsullu tuugaava
- Tupa
- Ujaqqat erlinnartut, pinnersaatit, nalunaaquttat kiisalu pigisat ujaqqanik erlinnartu-nik imallit aamma/imaluunniit saffiugassamik erlinnartumik imallit ataatsimoortut ataatsit katillutik £ 250-it sinnerlugit nalillit aamma nassiussineq ataaseq £ 25.000 nalilik
- Nassiussat ulorianaatillit
- Pigisat pisoqqat (antikvitit-it) aamma eqqumiitsuliat
- Ilusilersuisartumit atisaliat atortuulu £ 250-it sinnerlugit nalillit

- Nioqqutissat asiujasut, soorlu nerisassat
- Nioqqutissat kiassutsimik/nillissutsimik pisariaqartitsisut
- Pigisat soorlu mobiltelefonit atortuulu, atortut ilaat soorlu chip-it, memory stick-it allallu
- Porno-mut tunngasut.

DHL-ip nassiussinermit aningaasartuutai, toqqortarinninnermi aningaasartuutai, DHL-ip atuisoq allaluunniit kinaagaluarnersooq sinnerlugu, tassunga ilanngullugu pis-sarsiasaqaartuusoq, akitsuusiinernut akileraarutinullu akiligai tamaasa atuisup akili-gassarai taarsigassaralugilluunniit, soorlumi aamma akiligassarigai piumasaqaataasut tamaasa, taarsigassat, akiliitsinerit aningaasartuutullu akilernerqartut nassiussaq angallanneqarsinnaanngitsuusimappat, taamaakaluartorli DHL-imut angallanneqar-tussatut tunniunneqarsimasooq. DHL pisinnaatitaavoq pisussaaffiginaguli nassiussamik ammaanissamik imaanillu misissuinnissaminik atuisoq aamma/imaluunniit pissarsias-qaartuusoq ilisimateqqaanngikkaluarlugu.

Qulaani allassimasut naaportorlugit nassiussat angallanneqarsinnaanngitsut suliarine-rannut angallannerannullu DHL akisussaatinneqarsinnaanngilaq (DHL-ip malittarisas-saanit nalinginnaasunit issuagaq).

## 1.3 Poortorneri

Nassiussisup DHL Express-ip poortorluarneqarsimanissaa akisussaaffigaa, taamaa-lilluni nalinginnaasumik allakkerinikkut suliarineqarnerani imaasa isumannaatsumik illersorneqarnerat qulakkeerneqarsinnaaqullugu, kiisalu DHL Express-ip nassiussanik allanik, POST Greenlandimik allanilluunniit ajoqusiinnaanera pinngitsoortissinnaaq-qullugu. POST Greenlandip poortuutit misissornissaa pisussaaffiginngilaq. DHL Express-ip nassiunneqartussatut tunniunneqarnerani POST Greenlandip paasip-pagu DHL Express isumannaatsumik poortugaasimanngitsoq, POST Greenland naliliini naaportorlugu nassiussamik tigusinissaminik itigartitsinnaatitaavoq. Poortorneqarnissanut iiltsersuut malittarisassallu [www.dhl.dk](http://www.dhl.dk) -mi takuneqarsin-naapput, atuisorli isumannaatsumik poortuisimanissamat akisussaajuussaaq.

## 1.4 Adressekortit – immersugassat

Nassiussisup immersugassaq immikkut ittoq DHL Express-imut atugassaraa. Immersugassaq allakkerivimmi pineqartarpoq nassiussisumiullu immersorneqassal-luni.

## 1.5 Allakkerivimmut tunniussineq

DHL Express-it allakkerivimmut tunniunneqassapput.

## 1.6 Piumasaqarsinnaatitaaffik

DHL Express-imi tigusisussatut qaatiguuliusamat tunniunneqarnissaata imaluunniit nalunaarutigineqarnissaata tungaanut, nassitsisoq nassiussaq utertikkumallu-gu allamulluunniit tunniussassanngorullugu piumasaqarsinnaatitaavoq. POST Greenland DHL Express-ip utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffik atorsimappagu, POST Greenland nassiussaq utertinneqarluni angallanneranut imaluunniit adressedemut allamut inger-lasussanngortinneqarneranut akiusup saniatigut akiliuteqartitsinnaatitaavoq kiisalu DHL Express-ip angallassinissap allanngornerani suliasap allanngorteqquneqarnera-nut suliakkersuummut.

## 1.7 Tigusisussamat tunniussineq

DHL Express-it ataasinngornermiit tallimanngornermut nal. 08-miit nal. 17-imut aanneqartarput. DHL Express-it tigusisussamat aanneqanngitsut Allakkerivimmut aasassatut tigusisussamat nalunaarutigineqassapput. DHL Express-it poortukkatut nalinginnaasutut utertinneqartinnatit ulluni 7-ni allakkerivimmi unningatinneqarsin-naapput. DHL Express-i postboksimit adressilerneqarsimaguni postboksadressimut nalunaarutigineqassaaq.

DHL Express-i nunaqarfimmut adressilligaq KNI-p pisiniafiata ammanerata nalaani tunniunneqassaaq.

DHL Express-i Kalaallit Nunaanniit nunat allat sinnerinut nassiussaq ilanngaaserisunit suliarineqareeruni tiguisussamut ingerlanneqassaaq. Nassiussaq [www.dhl.dk](http://www.dhl.dk) -kkut malinnaavigineqarsinnaavoq (Track og Trace).

## 1.8 DHL Express-it apuunneqarsinnaangitsut

Nassiussaq siullermeertumik tunniunneqariarnermi kingorna ulluunnaat arfineq-marluk iluanni tiguisussamut tunniunneqarsinnaangikkuni allamik nalunaarutitaqanngitsumik aammalu tunniunneqanngitsoorneranut pissutaasumik nalunaarutitalernagu nassiussisumut utertinneqassaaq. Utertitsinermut nassiussisoq akiliisinneqassaaq, taannalu annertussuseqartarpoq nassiussap angallanneranut akiliutigineqarsimasutut.

DHL-ip ilaatigut nassiussaq nassitsisup akiligaanik utertittarpa:

- Tiguisussap nassiussaq tigujumangippagu tunniunneqarneraluunniit akilerumangippagu
- Nassiussaq angallanneqarsinnaangitsutut nalilerneqaraangat
- Akitsuusiinissaq eqqarsaatigalugu nassiussaq annikippallaamik naliligaasimappat
- Tiguisussap kinaanera imaluunniit sumiissusersineqarsinnaanera qulakkeerneqavisinnaangikkaangat.

Nioqutit utertinneqarsinnaangitsut DHL-imit qanorluunniit pineqarsinnaapput, amerlanertigullu DHL-imit akisussaatisinngitsumik aserorterneqarsinnaallutik. Atuisorli aningaasartuutit ilanngussuuttunut tamanut DHL-imut sulii akiliisussaajuussaaq (DHL-ip malittarisassaaniit nalinginnaasunit issuagaq).

## 1.9 Akit

DHL Express-inik Kalaallit Nunaanniit nunat allat sinnerinut nassiussanik akit qaqugukulluunniit atuuttut allattorsimaffiat [www.post.gl](http://www.post.gl) -imi aammalu allakkerivinni takuneqarsinnaapput.

## 1.10 Akiliineq

Aki nassiussassamik tunniussinermi aningaasanik akilerneqassaaq nassitsisoq akiligaasarsinissamik allaganngorlugu POST Greenlandimik isumaqatigiissuteqarsimangippat.

## 1.11 Taarsiisuteqartarneq akisussaanerlu

DHL-ip nassiussamut akisussaaffeqarnera CMR-imit isumaqatigiissut, Warszawa-mi aamma Montreal-imi isumaqatigiissutit naapertorlugit malittarisassanik taakkuninnga pisariaqarlunartumik atorneqartariaqarfiinut killeqarpoq. DHL-ip pigisanut akisussaaffeqarnera aammattaq toqqaannartumik annaasaqarnermut matussusiinissamut killiligavaoq. DHL taamaalliluni annaasaqarnermut aserortunulluunniit allanut qanorluunniit ittunut akisussaangilaq (taakkuninnga ilanngunneqassallutik, killiliunneqassanatilii, pisoqaaneranut naliusumut (antikvitetsværdi), nioqutininik nutaanik pisinermi aningaasartuutaasumut ilassutaasumut, soorlu nunap aningaasaasa nalingisa allanngorarnerannut, eriagisatut nalinganut, iluanaarutissanik annaasanut, ujariatsinermut, isertitanut, ernianut, nalikillineratigut annaasanut aamma kaaviiartitassaraluanik annaasaqarnermut) taamatut annaasaqarneq qanorluunniit toqqaannartuunngitsigaluarpat, aammalu taamatut annaasaqarsinnaaneq nassiussap akuerineqarnera sioqqullugu kingornatigulluunniit DHL-imit ilisimaneqarsimatigaluarpat.

Tamakku saniatigut malittarisassami matumani allanik allassimasoqanngippat suliat tamarmik NSAB (Nordisk Speditørforbunds Almindelige Bestemmelser) naapertorlugu aqqiivigineqassapput. NSAB-p DHL-ip akisussaaffeqarnera killilerpaa tammartunut, ajornerulernut imaluunniit pigisat aserorerinut kiilumut SDR 8,33-nut, annerpaamik peqqusinermut ataatsimut SDR 50.000-inut. Toqqortarinninnermut DHL-ip pisumut assigiimmi aserortunut atuisunut tamanut ataatsimut akisussaana killilerneqarpoq SDR 500.000-inut. Immikkut malugeqquneqarpoq DHL-imut piumasaqarneq pisoqalisarmat ukiup ataatsip qaangiunnerani. Nassiussamut ataatsimut ataatsimik piumasaqartoqarsinnaavoq, piumasaqaammullu tassunga taarsiilluni akiliineq nassiussamut pineqartumut tunngatillugu piumasaqaataasunik tamanik tamakkiisumik naggataasumillu aalajangiineruvoq.

Taarsiisutissaq naatsorsorneqartarpoq nassiussap nalinganut ilanngaattissat ilanngaatigereerlugit, imaappoq nassiussamut aningaasartuutit katinneri iluanaarutitaqanngitsut, momseqanngitsut allanillu akitsuuteqanngitsut. DHL imminut pisinnaatippoq aningaasartuutit katinnerinut uppernarsaammik piumasaqarnissaminut. Aserortoqarsimanerani DHL-ip piumasarinnaavaa nioqutit iluarsaaneqarnissaat, taamaammallu taarsiisutissaq naatsorsorneqassaaq iluarsaaneqarneranut aningaasartuut tunngavagalugu. Akisussaatainnginnissamut tunngavusut NSAB 2000-imi taagorneqartut saniatigut, DHL tammartunut aseruinerulluunniit akisussaangilaq, tamarneq aserorerluunniit

pissutsinik DHL-ip nakkutigisinnaasaasa avataaniinnerannik DHL-ip pinngitsoortissinnaangisaanik pissuteqarpat, aammalu kingunerisassai pinngitsoortinneqarsinnaangitsut, soorlu sulinermi aklerliinnerit, ikuallanneq, angallannermik nalinginnaasumik unitsitsinerit apummik sikumillu imaluunniit silamik, akoorutissanik aniasoornermik imaluunniit taamatut pisoqarsinnaaneramik, qarsutsinermmik, kallerup inneranik, innaallagissap qaminneranik assigisaanilluunniit pilersuinerup ajutoorneranik, ajunaarersuaqarneranik, sorsunnermik pissutsilluunniit sorsuunnertut ittut atuunnerannik, qunutsinermik, qaartartumeerinissamik qunusaaruteqarnermik, arsaarinninnermik, nunap aningaasaanik killilersuinermik, pikitsitsinermik eqqissivilliornermik, nioqutissaaleqinermik, ingerlatsitsutaasunik killilersuinermik kiisalu pissutsit taaneqartut ilaannik pissuteqartumik aammalu taarserneqarsinnaangitsut imaluunniit taamaallaat annertuumik artorsaatissisumik suliasap pisataanik pilersuinermik amigaateqarnermik taarsiisuteqarfusinnaasunik.

DHL-ip kingusinaarussinerit akisussaaffinggilai taarsiivigissanagillu. Akisussaaffimmik killiliinerit kiisalu akisussaanginnermut pissutaasut atuuttarput aserortoq DHL-ip piaarinani pilierippagu, tamanna aamma ingasattutut taaneqarsinnaagaluarpuunniit. Atuisoq pissaavaoq DHL annaasaqartinnaveersaassallugu ajoqusernermut sumulluunniit aammalu annaasaqarnermut tamanut DHL-imut inummulluunniit allamut ajoqutaasumik nassiussap imaani poortuutaanilluunniit imarisaanik poortuutaanillu DHL-ip piumasaqaatigisaanik naammassinninnginneq pissutigalugu, aamma ajoqusiineq tamanna atuisumut tutsinneqarsinnaagaluarpuunniit. Tamatuma saniatigut atuisoq NSAB-p kiisalu qallunaat inatsisaanni malittarisassat nalinginnaasut malillugit taarsiisussaavoq, soorlumi aamma DHL-ip malittarisassaani nalinginnaasuni atuisup pissaavaaffii akisussaaffilu pillugit aalajangersakkat allat innersuussutigineqartut (DHL-ip malittarisassaani nalinginnaasunit issuagaq).

## 1.12 Sillimmasiineq

DHL-ip allaganngorlugu isumaqatigiissusioreerluni assartuinermut sillimmasiorsinnaavoq atuisoq sinnerlugu, sillimmatip matussusissavaa nassiussaq annaaneqassagaluarpat aserorsimassagaluarpuunniit aningaasannorlugu nalinga, tamannalu pisinnaavoq atuisup nassiussinermut allagartami sillimmasiinermit allaffissiaq immersorsimappagu imaluunniit sillimmaserneqarpuuppagu DHL-ip atortulersuutaasigut nammineertumik akilu atuuttoq naapertorlugu akilerneqartussaq akilerlugu. Sillimmasiinerup kingusinaartoqarnera pissutigalugu toqqaannangitsumik annaasaqarneq aserorsimaneluunniit akilerneq ajorpai. Sillimmasiisutissaq atuisumit nassiussanut allagartamut allanneqassaaq imaluunniit bookiinermi ilisimatitsissutigineqassalluni. (DHL-ip malittarisassaani nalinginnaasunit issuagaq).

POST Greenlandip Kalaallit Nunaanniit nassiussamik nassitsinermi DHL-imut agentitut nassiussaq DHL Express-i annerpaamik 25.000 kr.-inik sillimmasissavaa.

Taamaalissugaanni nassiussap sillimmaserneqarsinnaaneranut atuisoq DHL-imiit allaganngorlugu akuersissummik pissarsisimasariaqarpoq.

## 1.13 Maalaarutit

Nassiussanut takussaasumik tammartunut aserorsimasunulluunniit maalaarutiginnineq allaganngorlugu nassiussap tunniunneqarnerani erngerluni DHL-imut nalunaarutigineqassaaq. Takuneqarsinnaangitsumik aserortoqarsimappat tammartoqarpuunniit maalaarutit allaganngorlugu aserorerup paasineqarnerata kingorna erngerluni DHL-imut maalaarutigineqassaaq, taamaattorli kingusinnerpaamik inatsisit allanngortinneqarsinnaangitsut / NSAB 2000-ip malitassaani allassimasut killissarititaasut iluanni. Allamik pissuteqartumik piumasaqaateqarnermut, ass. fakturat maalaarutigineri allallu ajoqusernerit inatsisinik allanngortinneqarsinnaangitsunik aallaaveqartut, soorlu (taakkuninngali killeqanngitsut) tamarluunneq, kukkusumik tunniunneqarneq, nassiussisup il.il. unitsitseqqusineranik naammassinninnginneq, tunngatillugu maalaaruteqarnissamut pissutaasoq paasineqarniaripat maalaarutit allaganngorlugu DHL-imut maalaarutigineqassaaq, taamaattorli kingusinnerpaamik DHL-ip assartuinnissaanik isumaqatigiissuteqarfiginerata aqaguaniit ulluunnaat 14-it iluanni. Pisuni tamani (tamanna inatsisinut allanngortinneqarsinnaangitsunut aklerluunngippat) kingusippallaamik maalaaruteqarneq atuisup DHL-imut piumasaqarsinnaanerminik annaasaqarneranik kinguneqartarpoq. Tiguisussaq DHL-imit inanegarnini tunngavagalugu pissaavaoq DHL-imut sinniisooq najuutsillugu nassiussamik ammaanissaminut. Tamanna itigartippagu, atuisoq pigisap ajoquserneranut tammarnanulluunniit DHL-imut taarseeqqusissummik piumasaqar sinnaa unnaassaaq. Nassiussamik aserorsimaneqarsumik poortuutigisaanillu DHL aallersinnaatitavoq misissornissaa siunertarlugu (DHL-ip malittarisassaani nalingin naasunit issuagaq)